



PULE'ANGA 'O TONGA

ONGOONGO TUKUATU

(22 'o Sune, 2022)

“Polokalama Tokoni ‘a e Pule’anga’ ki he hokohoko atu ‘o e fakataputapui ‘i he Kōviti-19”

Nuku’alofa – ‘Oku faka’amu ‘a e Pule’anga’ ke fakahā heni ‘oku kei hokohoko atu pē ‘a hono fakahū mai ‘a e ngaahi foomu kole pea mo fakahū mai ‘o ha ngaahi lāunga ki he Polokalama Tokoni ‘a e Pule’anga’ ki he hokohoko atu ‘o e fakataputapui ‘i he Kōviti-19, pea ‘e ngata eni ki he ‘aho 30 ‘o Sune 2022.

Ko e Polokalama Tokoni ko eni ‘a e Pule’anga’, ‘oku kau ki ai ‘a e:

- i) Polokalama Tokoni ki he Ngaahi Pisinisi Lesisita ‘oku nau fiema’u Tokoni Fakapa’anga ke Malu’i ‘enau kau ngāue, kau kasitomā mo ha kau ‘a’ahi (OSH);
- ii) Polokalama Tokoni ki he Kau Ngāue ‘i he Ngaahi Pisinisi’: mo e
- iii) Polokalama Tokoni ki he Ngaahi Pisinisi ‘ikai Lesisita’.

Ko e **Polokalama Tokoni ki he Ngaahi Pisinisi Lesisita ‘oku nau fiema’u Tokoni Fakapa’anga ke Malu’i ‘enau kau ngāue’, kau kasitomā mo ha kau ‘a’ahi (OSH)** ‘e hokohoko atu pē ‘a hono fakahū ‘o e ngaahi foomu’ ‘i he uepisaiti ‘a e Potungāue Fefakatau’aki mo e Fakalalalaka Faka’ekonōmika’ ‘i he <https://forms.gle/PgDCHJHvigYKTyX88> pē ko e fetu’utaki kia ‘Ilaisaane Tu’itupou (ltuitupou@mtd.gov.to pē fika telefoni 841-0588) pē ko Sione Lautaha (lautaha.jay@gmail.com pē fika telefoni: 841-0588).

Ko e **Polokalama Tokoni ki he Kau Ngāue ‘i he Ngaahi Pisinisi’** ‘e hokohoko atu pē hono fakahū ‘a e foomu kole tokoni’ ki he ‘Ofisi ‘o e Ma’u Vāhenga Mālōlō Fakafonua’ (NRBF) pē ko ho’o ma’u mo fakafonu ‘a e foomu’ mei he uepisaiti ‘a e Potungāue Pa’anga’ ‘i he <https://www.finance.gov.to> pea ‘imeili ki he mhalafonua@gmail.com.

Ko e **Polokalama tokoni ki he Ngaahi Pisinisi ‘ikai Fakapule’anga’** ‘oku fakafou ia ‘i he ngaahi Potungāue ‘oku nau tataki ‘a e polokalama tokoni ko ia’. ‘Oku kau ki heni ‘a e (i) tokoni fakataautaha ki he sekitoa Ngoue’ ke fengāue’aki mo e Potungāue Ngoue, Me’atokoni mo e Vao’akau’; (ii) tokoni fakataautaha ki he sekitoa Toutai’ ke fengāue’aki mo e Potungāue Toutai’ pea (iii) tokoni ki he ngaahi Kautaha Fakatakimamata’ ke fengāue’aki mo e Potungāue Takimamata’ pea ko kinautolu ‘oku ‘ikai kau ki he ngaahi sekitoa ‘oku hā atu ‘i ‘olunga’ ke fengāue’aki mo e Potungāue Fefakatau’aki’ mo e Fakalalalaka Faka’ekonōmika’.

Ki he ngaahi fakaikiiki ‘o e ngaahi polokalama tokoni kuo hā atu ‘i ‘olunga’, kataki ‘o fakafetu’utaki ki he Va’a ‘Ekonōmika pea mo e Ngaahi Tu’utu’uni Fakapa’anga ‘a e Pule’anga’ (EFPD) ki he (676) 7400752 pē a’u tonu mai pē ki he Potungāue Pa’anga’ ke fakatalanoa ki he taha ‘o e kau ngāue ‘a e EFPD.